

Staatâräädi asättij sämmilii šonjâdâhräädï

Staatâräädi asättij onne porgemáanu 24. peeivi sämmilii šonjâdâhräädï neelji ive pištee pajan. Sämmilâš šonjâdâhräädï lii uđđâ, jiešráđálâš äššitobdeeorgan, mon ulmen lii pyehtid sämmilij tiätuvuáđu já uáinuid šonjâdâhpolitiik valmâštállâm uáassin.

Sämmilii šonjâdâhräädán nomáttii 12 airâsid já tot šadda totkeejesânijn já sämmilii ärbivuáválii tiäđu haldâšeijein. Saavâjođetteijen nomáttui totkeetuáhtár **Klemetti Näkkäläjärvi** Oulu ollâopâttuvâst.

Sämmilâš šonjâdâhräädï lii maailmviđosávt áinoošlajásâš aalmuglâš organ, mii oovded algâaalmugij vuoigâdвуođaid. Sämmilâš šonjâdâhräädï asáttui tääl vuossámuu tove. Sämmilii šonjâdâhräädïst asáttuvoo uđâsmittum šonjâdâhlaavâst.

“Mun lam sämmilâžžân já totken ilolâš já čiävláá tast, ete sämmilâš šonjâdâhräädï lii asáttum. Sämmilâš šonjâdâhräädï puáhtá puigâ vuárusavâstállâm sämmilii ärbivuáválii tiäđu haldâšeijein já tiedâsiärváduv kooská. Šonjâdâhräädï annoo vái mij pyehtip čuávidiđ hástusijd, maid šonjâdâhnuvástus já luánduhiävvu pyehtih sämisiärvádâhân.” iätä sämmilii šonjâdâhräädï saavâjođetteijee Näkkäläjärvi.

Sämmilâš šonjâdâhräädï addel ciälkkámušâid já pyevtit uđđâ tiätuvuáđu

Sämmilii šonjâdâhräädï pargon lii adelid ciälkkámušâid šonjâdâhpolitiik vuáváámijn sehe pyevtittid tiätuvuáđu šonjâdâhpolitiik valmâštállâm toorjân sämikulttuur ovdedem uáinust.

Šonjâdâhräädï totkeejesânijn lii maangâpiälásâš máttu ovdâmerkkân šonjâdâhtiettuon, algâaalmugtutkámušâst, ekologiasst já pirâsekonomiasst. Ärbivuáválii tiäđu haldâšeijein lii vuod máttu ovdâmerkkân puásuituálust, kietâtuojijn, šonjâdâhnuvástus karttiimist, kyelipiivdost já ärbitiäđu nurâmist. Ärbivuáválii tiäđu haldâšeijeeh ovdâsteh meid viđáht sämmilij päikkikuávu nuuvt eennâmtiedâlávtt ko meid kielâi uásild. Šonjâdâhlaavâ miel ucemustáá peeli airâsijn kalgeh leđe ärbivuáválii tiäđu haldâšeijeeh.

Sämikulttuur lii eromâš herkki šonjâdâhnuvástusân, tastko ärbivuáválâš sämikulttuur lii čonâsist arktâsii luándun. Šonjâdâh lieggân arktâsijn kuávuin merhâšitteht jotelubboht ko eres kuávuin maailmist.

Sämmilii šonjâdâhräädï airâseh 1.9.2023-31.8.2027:

Tiedâsuorgij airâseh

Klemetti Näkkäläjärvi (Oulu ollâopâttâh, saavâjođetteijee)

Hilppa Gregow (Áimutiettuu lájádâs)

Rauna Kuokkanen (Laapi ollâopâttâh)

Päivi Meriläinen (Tiervâsvuođâ já pyereestvaijeem lájádâs)

Markku Ollikainen (Suomâ šonjâdâhpaaneel). Nomáttuvoo ive 2023 loopân, kuás tááláá šonjâdâhpaaneel toimâpaje nohá.

Henni Yläne (Nuorttâ-Suomâ ollâopâttâh)

Sämmilii ärbivuáválii tiäđu haldâšeijeeh

Esko Aikio (Ucjuuhâ)

Petra Biret Magga Vars (Suádigil)

Antti-Oula Juuso (länudâh)

Raija Lehtola (Aanaar)

Tuomas Semenoff (Aanaar)

Jussa Seurujärvi (Aanaar)

Lasetiäduh:

Karin Cederlöf

Haldättäsčallee

Pirâsministeriö

p. 0295 250 010 (31.8.2023 räi)

karin.cederlof@gov.fi

Heta-Elena Heiskanen

Sierânäsäššitobdee

Pirâsministeriö

p. 0295 250 380

heta-elena.heiskanen@gov.fi

Klemetti Näkkäljärvi

Sämmilii šonjâdâhräädî saavjodetteijee

Totkeetuáhtár, CERH, Oulu ollâopâttâh

p. 040 5371584

klemetti.nakkalajarvi@oulu.fi

Lahtoseh:

Asâttâs

Šonjâdâhlaahâ

Nostot someen:

1. Sämmilâš šonjâdâhräädî aalgât tooimâs! Sämmilâš šonjâdâhräädî lii uđđâ, jiešrádálâš äššitobdeeorgan. Ton ulmen lii pyehtid sämmilij tiätuvuáđu já uáinuid šonjâdâhpolitiik valmâštállâm uáassin.
2. Sämmilâš šonjâdâhräädî lii maailmviđdosávt áinoošlajâsâš organ, mii oovded algâalmugij vuoigâdвуođâid.
3. Sämmilii šonjâdâhräädîst asâttuvvoo uđâsmittum šonjâdâhlaavâst. Tot asâttui tääl vuossâmmu tove.
4. Sämmilii šonjâdâhräädán nomâttii 12 airâsid já tot šadda totkeejasânijn já sämmilii ärbivuávalii tiäđu haldâšeijein. Toimâpaje lii 4 ive.